

Mecatronist da pendicularas AFQ

Mecatronista da pendicularas AFQ

Verkehr

Fahrzeuge

Durada

4 onns

Terminaziun

Eidgenössisches
Fähigkeitszeugnis EFZ

Indicaziuns davart il salari

1. onn d'emprendissadi: CHF 450–750.–
2. onn d'emprendissadi: CHF 550–1000.–
3. onn d'emprendissadi: CHF 700–1250.–
4. onn d'emprendissadi: CHF 900–1450.–

Mecatronistas e mecatronists da pendicularas procuran per in manaschi segir e senza disturbis da funicularas, runals, pendicularas, telecabinas e sutgeras. Els mantegnan ils locals e las maschinas e controllleschan las prescripziuns da segirezza dals implants da pendiculara. Els controllleschan e reparan elements electricis e mecanics. Il contact cun ils giasts è fitg impurtant.

Incumbensas

Mantegnair e reparar

- planisar cura e nua ch'ins sto dar grass a tge cumponentas e nua ch'ins sto duvrar antischeladers e products anticorrosivs
- mantegnair ils implants ed ils indrizs dal manaschi, p.ex. sugas, rollas, tracziuns, frains e regulaziuns
- fabritgar tocs da reserva, p.ex. cun agid da stgalpers, furaders, plumins e crennadiras, d'apparats da buglir, tagliurns u smerigliadras
- controllar las cumponentas electricas ed electronicas cun agid d'instruments da mesiraziun
- prender mesiras, sch'i dat disturbis ed eliminar pitschens sbagls
- emplenir glistas da controlla per pudair far rapports

Segirezza

- observar las prescripziuns da segirezza, p.ex. per cumbatter incendis u en cas da privel da lavinias
- chapir la previsiun da l'aura ed il rapport da lavinias e vesair eventuels privels
- prestar agid e participar ad acziuns da salvament
- garantir il provediment d'electricitad ed en cas d'in disturbi en la rait electrica prender las mesiras necessarias
- far tests, sch'ils indrizs da segirezza, da telecumond e d'alarm funcziunan

- en cas da privel serrar giu il manaschi da pendiculara

Manaschi dals implants

- prender en funcziun ils implants da pendiculara e l'equipament da staziun
- manischar correctamain ils apparats
- survegliar las cumponentas mecanicas ed electricas, p.ex. l'illuminaziun, las sugas, las maschinas u las regulaziuns

Administraziun e turissem

- infurmar ils giasts davart las purschidas da l'interpresa
- responder dumondas, far empustaziuns e controllar furniziuns
- elavurar brevs ed e-mails
- far rendaquints
- rediger rapports d'accidents ed annunzias da donns e transferir quels als posts competents

Ambient da lavur

Mecatronistas e mecatronists da pendicularas lavuran en implants turistics sin las muntognas, en interpresas da pendiculara, dentant er en manaschis industrials cun pendicularas per transportar rauba e/u persunas. Lur temps da lavur èn regulars. Durant las fins d'emna e durant las vacanzas da scola èsi pussaivel ch'i resultian dis da lavur pli lungs. Els lavuran savens en il liber er cun plievgia, naiv u chalira.

Grazia a lur scolaziun variada han mecatronistas e mecatronists da pendicularas bunas schanzas sin il martgà da lavur. Els pon absolver furmaziuns supplementaras en ils secturs da la tecnica u da l'administraziun.

Pretensiuns e interess

Pretensiuns

- Senza sturnizi
- Moda da lavurar independenta
- Plain fantasia e savair sa gidar
- Moda da lavurar sistematica
- Inschign manual
- Chapientscha tecnica
- Resistenza a la temperatura u a l'aura
- Resistenza corporala

- Senn per l'ospitalitad

Interess

- Schliar incumbensas tecnicas
- Avair contact cun persunas
- Lavurar cun maschinas

Scolaziun

Manaschis

En ina interpresa da la bransch da pendicularas u en in manaschi da pendiculara per transportar rauba e/u persunas

Scola

En il Center da furmaziun da Pendicularas Svizra, Meiringen, en furma da curs da bloc

Curs odaifer il manaschi

Emprender la lavur pratica, approfondar ed exercitar las basas professiunalas, 60 dis durant 4 onns.

Durada

4 onns

Cundiziuns d'admissiun

Terminà la scola obligatorica

Maturitad professiunala

En cas da fitg bunas prestaziuns da scola po vegnir frequentada la scola da maturitad professiunala durant la furmaziun da basa.

Titel da finiziun

Furmaziun cuntinuonta

Curs

Purschida da Pendicularas Svizra sco er da scolas spezialisadas

Examen professiunal (EP)

Cun certificat professiunal federal:

- Spezialist / Spezialista da pendicularas
- Spezialist / Spezialista en servetsch da pistas e da salvament
- Spezialist / Spezialista da mantegniment euv.

Examen professiunal superiur (EPS)

P.ex. manader / manadra dipl. da mantegniment

Scola spezialisada superiura (SSS)

P.ex. tecnicist / tecnicista dipl. SSS dad electrotecnica u tecnicist / tecnicista dipl. SSS da construcziun da maschinas

Scola auta spezialisada (SAS)

P.ex. bachelor of science (SAS) en tecnica da maschinas u en electrotecnica. Tut tenor la scola auta spezialisada valan differentas cundiziuns d'admissiun.

Professiuns sumegliantas

Ulteriuras infurmaziuns

Swissdoc Nummer

TODO

Center da furmaziun da Pendicularas Svizra

<https://www.seilbahnen.org>

TODO

<https://www.becc.admin.ch/becc/public/bvz/beruf/show/56504?lang=de>